

VIII. ГОСУДАРСТВОВАНИЕ ГЕНРИКА.

№ 167

167.— 1573, декабря 30. Расчетъ, представленный Криштофомъ Радивиломъ суммы, слѣдующей ему получить за людей его, отправлявшихъ конную службу.

Року 1573, мѣсяца декабра 30. Его милость вельможный панъ Крыштофъ Радивиль, подчашый и гетманъ надворный великого князства Литовского, староста Кукопгавзенскій и Леноварскій, чинилъ рахунокъ у скарбѣ его королевское милости о службѣ почту роты своею, дву сотъ пятидесять коней, которыхъ принялъ и ховалъ съ потребы Речи Посполитое земское, за постановеньемъ ихъ милости пановъ радъ великого князства Литовского, зѣзду соймику прошлого Рудницкого, въ року тисеча пять сотъ семдесятъ второмъ; на котормъ рахунку положилъ: ижъ водлѣ квити сознанья писара его королевское милости полного, пана Фронца Жука, почалъ его милость служить съ тымъ почтомъ своимъ зѣ двѣма сты пятмадесять коней первую четверть року, отъ дня мѣсяца декабра трынадцатого, року тисеча пять сотъ семдесятъ второго, а дослужилъ мѣсяца марта чотыринадцатого дня, року семдесятъ третего, за которую первую четверть року на тотъ почотъ на двѣстѣ пятдесять коней, водлѣ постановенья ихъ милости пановъ радъ, зѣзду соймику Рудницкого, прийдеть его милости дати на каждого коня по пети копъ грошей, — то есть копъ 1250.

Другую четверть року, за тымъ же постановеньемъ, а надто и упевненемъ черезъ листъ приповѣдный ихъ милости пановъ радъ коруны Польское и великого князства Литовского, съ тымъ же почтомъ роты своею зѣ двѣма сты пятмадесять коней служилъ его милость, во-

длѣ другого сознанья тогожъ писара его королевское милости полного, пана Фронца Жука, отъ дня мѣсяца марта петнадцатого, року тисеча пять сотъ семдесятъ третего, до дня мѣсяца іюня чотыринадцатого того жъ году, на тотъ почотъ роты его милости на двѣстѣ пятдесять коней. За тую другую четверть року, водлѣ тогожъ постановенья зѣзду соймику Рудницкого, пришло было его милости дати на каждого коня по копъ чотыри, ижили за неданьемъ пенязей готовыхъ и скоро по выслузѣ, ижъ люди служебные далѣй жаднымъ обычаемъ на службѣ задержаны быти не могли, ажъ имъ за тую другую четверть выслужоную поступилъ его милость заплатить на каждого коня по копъ шести: и такъ тую четверть рахуючы, чынить копъ 1500.

Третью четверть року, за тымъ же листомъ приповѣднымъ ихъ милости пановъ радъ коруны Польское и великого князства Литовского, и водлѣ того жъ сознанья писара его королевское милости полного, пана Фронца Жука, служилъ его милость зѣ трема сты коней почту роты своею, почавшы отъ дня мѣсяца іюня петнадцатого, року тисеча пять сотъ семдесятъ третего, до дня мѣсяца сентебра трынадцатого того жъ году семдесятъ третего. За тую третью четверть року на тую трыста коней, ачъ на листѣ приповѣдномъ ихъ милости пановъ радъ не доложено, по чому на конь мѣти платить; але ижъ его милость панъ подчашый, маючы вѣдомость отъ ихъ милости пановъ радъ, на елекцыи поступлено дати на оборону зѣшнего панства, великого князства Литовского, золотыхъ Польскихъ трыдцать тисечей на двѣ тисечи коней, даючы на каждый

конь по петнадцати золотыхъ Польскихъ на четверть: и такъ его милость службуensemъ людямъ служебнымъ, которые при его милости служили, службу приповѣдилъ такъ, яко и до Ифлянтъ людямъ служебнымъ съ пенязей коруны Польское даныхъ, плачано на каждый конь на четверть року по петнадцати золотыхъ Польскихъ; яко и самъ писарь его королевское милости полый земли Ифлянтское, панъ Войтехъ Стобровскій, который то отправовалъ, передо мною подскарбимъ повѣдилъ. И съ тое причины его милости пану подчашому такежъ рахунокъ чыненъ за тую трыста коней, кладучы на каждого коня по петнадцати золотыхъ Польскихъ, то есть по шести копъ Литовскихъ, чого всего чынить копъ 1800.

Сума за всю тры четверти року заслужонныхъ, водлѣ меновитого вышей описанья и обрахованья, чынить копъ 4550.

На которую суму первой сего въ року прошломъ семдесятъ второмъ дано его милости зѣ скарбу короля его милости земского, великого князства Литовского, копъ 1250.

А водлѣ стародавного и звыклого обычаю, отъ каждого коня за каждую четверть року скарбного стручно по одному грошу, то есть копъ 13, гр. 20.

То еще zostало его милости винно копъ 3286, гр. 40. Которые грошы мають его милости быти заплачены съ подагковъ земскихъ, которые положоны будутъ зѣ уфалы соймове.

А хто тые пенези давати и платити будеть, тотъ сесъ рахунокъ и квити отъ его милости на тую заплату взяти маеть.

А што се дотычетъ листу приповѣдного ихъ милости пановъ радъ и пописовъ двухъ писара его королевское милости полного, то при семъ рахунку до скарбу его королевское милости взяты. Миколай Нарушевичъ.

Тотъ рахунокъ его милости пана Миколая Нарушевича, подскарбего земского, его милость панъ Крыштофъ Радивиль, гетманъ Авт. Южн. и Злп. Росси. Томъ I.

полный и подчашый великого князства Литовского, староста Борысовскій и Солецкій, передо мною Лаврыномъ Войною, подскарбимъ земскимъ великого князства Литовского, оказывати, и о заплату того долгу, абы зѣ скарбу его королевское милости заплачонъ былъ, упоминатися рачилъ; але на тотъ часъ заплату того долгу его милости еще не дошла. — «Лавринъ Война, подскарбій великого князства Литовского.»

Подлинникъ писанъ на двухъ листахъ. — Хранится въ Императорской Публичной Библиотекъ.

168.— 1574, марта 15. Жалованная грамота Мелешку Хребтовичу на Кіевско-Печерскую архимандрію въ пожизненное управление.

Генрикъ, Божьею милостью король Польскій, великій князь Литовскій, Рускій, Прускій, Мазовецкій, Жомойтскій, Кіевскій, Волынскій, Подляскій, Ифлянтскій и тежъ княжа Андекгавенское, Борбонское и Анвернское, кграбя въ Лярхи, во Форестѣ, въ Ивертѣ, въ Ровеѣнѣ, въ Монтисфортѣ. Ознаймуемы тымъ листомъ нашимъ всемъ вобецъ и каждому зособна, кому того вѣдати належитъ. Ижъ што которое архимандритство монастыра пресветое Богородицы Печерского, въ Кіевѣ, по смерти бывшего архимандрита монастыра Печерского Иларіона Песочинского презъ немалый часъ ваковало, на которое архимандритство, водлугъ права и привилею тому монастыру, отъ продковъ нашихъ славное памяти королей ихъ милости Жикгимонта Першого и сына его Жикгимонта Августа наданого, старцы того монастыра, вси братья, черницы и застонники, крылошане и вся капитула обрали згоднѣ чоловѣка побожного, богобойного, въ писмѣ светомъ добрѣ научоного, подлугъ закону христіянского Греческого, зѣ дому старожитного шляхетского, на име Мелешка Хребтовича, которого цноту, годность и статечность залечаючы, съ посродку себе до насъ братью

№ 169. свою, то есть Тита уставника, Селивестра священника, и Давыда дьякона, прислали, бьючи намъ чоломъ, абыхмо водлугъ права и волности ихъ, помененого Мелешка Хребтовича, згодиѣ отъ нихъ всихъ на архимандритство Печерское обраного, архимандритомъ въ тотъ монастырь Печерскій старшимъ надъ ними дали и листомъ нашимъ умоцнили. Мы теды видечи того бытъ речъ слушную, и обачивши то, ижъ они наданья предковъ нашихъ здавна таковую вольность ку обиранию архимандрыта мѣли, а ижъ тежъ вси старцы, чернцы, застонпники и крылошане того монастыра згодиѣ помененого Мелешка Хребтовича обравши, оного намъ годность, статечность и побожность сами залещили, заховуючи ихъ вцалѣ при вольности права ихъ, зъ ласки наше господарское, пререченому Мелешку Хребтовичу тое архимандритство монастыра Печерского пресветое Богородицы въ Кіевѣ далисмы, якожъ и тымъ нинѣшнимъ листомъ нашимъ даемъ до его живота. Маеть онъ, будучи въ томъ монастыри Печерскомъ въ Кіевѣ архимандритомъ, во всемъ слушнѣ, статечнѣ, побожнѣ, водлугъ закону хрестіанского Греческого, справовати и тамъ фалу Божью розмножати, водлугъ стародавнего обычаю и уставу въ порадкохъ и церемонейхъ церковныхъ, постерегаючи всихъ добръ и маетностей рухомыхъ и нерухомыхъ, здавна ку тому монастыру належачихъ, до живота своего. И на то есьмо ему дали сесь нашъ листъ, до которого на свѣдѣство и печать нашу коронную привѣсти есьмо розказали. Данъ въ Краковѣ, на соймѣ коронации наше дня пятнадцата марца мѣсяца, року отъ Нароженья Сына Божого тисеча пять сотъ семдесятъ четвертого, а панованья нашего року первого. — Справа велможного Валентого Дебиньского, зъ Дебянъ, канцлера короны Полское.

Изъ Литовской Метрики (Вольн. Зап. кн. 305, л. 161—162), хранящейся при Правительствую-

щемъ Сенатъ, въ С. Петербургѣ. Въ заглавіи отмѣчено: Доживотѣ на архимандритство монастыра Печерского въ Кіевѣ Мелешку Хребтовичу.

169.— 1574, марта 29. Выпись съ книгъ коронныхъ, выданная землянину Кіевскому Яцку Бутовичу, содержащая въ себѣ запись архимандрита Кіево-Печерскаго монастыря Іоны Деспотовича и всей братии, въ полученіи отъ Бутовича суммы за имѣніе Брусилонъ, бывшее въ залогъ.

Генрихъ, Божью милостью король Польскій, великій князь Литовскій. Ознаймуемы тымъ листомъ нашимъ всимъ вобецъ и каждому зособна, кому того вѣдати належи. Ставши обличнѣ передъ нами и книгами канцлярей наше коронное, урожоный Яцко Бутовичъ, землянинъ повѣту Кіевского, показалъ запись съ книгъ кгородскихъ Кіевскихъ, вызнанья зопного негда Іоны Деспотовича, архимандрыта монастыра Печерского, на взятѣ пенезей отъ помененого Яцка Бутовича за имѣнье заставное, ему правомъ прирожонимъ привалежачое, на имя Брусилонъ, которое было въ заставѣ держано ку монастыру Печерскому; а на листъ того жъ архимандрита помененого, на уморенье листу заставного, жадаючи настъ за то, абыхмо тотъ выпись съ книгъ кгородскихъ Кіевскихъ вызнанья помененого Іоны Деспотовича, архимандрита Печерского, до книгъ нашихъ канцлярейскихъ коронныхъ уписати велѣли, который слово отъ слова такъ ся въ собѣ маеть. Выпись съ книгъ кгородскихъ замку господарского Кіевского. Мѣта Божьяго Нароженья тисеча пять сотъ семдесятъ третьего, мѣсяца апрѣля третьего дня. Постановившия обличнѣ на врадѣ его королевское милости въ замку Кіевскомъ передо мною Владиславомъ Андреевичомъ Збаразскимъ, справкою воеводства Кіевского, державцюю Ботоцкимъ, его милость велебный отецъ Іона Деспотовичъ, архимандритъ светое Пречистое Печерское,

оповѣдалъ и доброволнѣ а очевисто до книгъ кгородскихъ вызналъ, ижъ скимница того жъ монастыра Печерского, Полагья Брусилонская, заставила имѣнье Брусилонъ, надъ рѣкою Звиженемъ лежачое, бывшему архимандриту Печерскому отцу Васьяну у пятнадцати копахъ грошей Литовскихъ, которое часть немалый подъ послушенствомъ монастырскимъ было, которого потомкомъ есть панъ Яцко Бутовичъ, староста Костентыновскій, тое имѣнье Брусилонъ яко отчизну свою, правомъ прирожонимъ на него спалую, за листы короля его милости до архимандритовъ писаными, выкупилъ; я, намовившия зъ икономомъ, полатникомъ и зо всею братьею, чернцами и крылошаны монастыра Печерского, тые пенези отъ него взяли, а ему тое имѣнье, яко властную отчизну его ему отдали, въ моцъ и въ держанье поступили; а ижъ того листу заставного выискати и знайти и пану Яцку отдати не могли: про то листомъ своимъ подъ печатью монастырскою и съ подписомъ руки мое властное, по Польску, тотъ листъ заставный уморилъ и въ нивѣчъ обернули; и показавши тотъ листъ просилъ, абы былъ читалъ и въ книги кгородскіе вписалъ, который такъ се въ собѣ маеть. Я Іона Деспотовичъ, архимандрытъ монастыра светое Пречистое Печерское, зъ икономомъ и полатникомъ и зо всею братьею, крылошаны и чернцами братьею монастырскою, вызнаваемъ и чинимъ явно симъ листомъ нашимъ каждому, кому бы того была потреба вѣдати, або чтучи его слышети, теперъ и напотомъ завжды будучимъ людемъ. Ижъ што которое имѣнье прозываное Брусилонъ, надъ рѣкою Звиженемъ, заставила скимница того жъ монастыра Печерского Полагья Брусилонская въ пятнадцати копахъ грошей Литовскихъ небожчику Васьяну, архимандриту бывшему Печерскому, которое имѣнье при той церкви Божой часть немалый лежало и подъ послушенствомъ архимандрытовымъ, икономомъ, полатника и все братьи чернцовъ было; по ко-

торой скимницы потомка иншого не зостало, № 169. толко братаничъ ее панъ Яцко Бутовичъ, староста Костентыновскій, который за листы его королевское милости, до архимандритовъ писаными, тое имѣнье Брусилонъ, яко отчизну свою властную, выкупилъ и къ рукамъ своимъ, яко властность свою, взялъ, а пенези намъ на листѣ описаные отдалъ; нижли того листу заставного небожчицы Полагья Брусилонское выискати и отдати пану Яцку Бутовичу есьмо не могли: про то симъ листомъ нашимъ теперешнимъ тотъ листъ заставный небожчицы Полагья Брусилонское умораемъ и въ нивѣчъ оборочаемъ, вѣчными и на вѣки непорушными часы; хотя бы ся тотъ листъ заставный гдѣ жъ кольвекъ показати мѣлъ, тогды жадное моцы мѣти и въ кожного права пріймованъ быти не маеть; лещъ панъ Яцко Бутовичъ, староста Костентыновскій, за симъ листомъ нашимъ, тое имѣнье отчизну свою Брусилонъ вѣчными и непорушными часы держати и уживати потому, яко предкове его держали и вживали, маеть; а пакли бы мы сами, або потомки наши пришлые, архимандрыты и чернцы братья, и хтожъ кольвекъ зъ монастыра Печерского хотѣли подъ паномъ Яцкомъ Бутовичомъ того имѣнья Брусилонъ доходити ку шкодѣ и накладомъ его листъ приводити мѣли, тогды каждый таковой маеть и повиненъ будетъ заруки заплатити на воеводство Кіевское двѣсте копъ грошей, а сторонѣ пану Яцку Бутовичу другую двѣсте копъ грошей, и накладъ, кромъ права и доводу, толко на словное реченье его милости нагороджати; а заплативши вси тые заруки, шкоды и наклады нагородивши, предсе сесь нашъ листъ въ кожного права при зуполной моцы хованъ и держанъ быти маеть. И на то есьмо пану Яцку Бутовичу дали сесь нашъ листъ подъ печатью монастыра светое Пречистое Богородицы Печерское, а съ подписомъ властное руки мене Іоны Деспотовича, архимандрыта, письмомъ Польскимъ. Писанъ въ Кіевѣ, мѣта

№ 170. Божьего Нароженья тисеча пять сотъ семдесятъ третего, мѣсяца апрѣля второго дня. А такъ я тое оповѣданье, сознание и листъ, пану Яцку Бутовичу отъ него даный, слово въ слово въ книги кгородскіе записати казалъ и выписъ съ книгъ, подъ печатью и съ подписомъ руки властное моей, панъ Яцко Бутовичъ на то собѣ взялъ. Писанъ въ Кіевѣ. — Władisław х. Zbazarzsky, sprawca woiewodstwa Kiowskiego, ręka własna. — Богущъ Гулковичъ, писарь кгородскій Кіевскій.

А такъ мы на чолобитъе его того выпису съ книгъ кгородскихъ Кіевскихъ передъ нами показованого огледавши, и слышнымъ быть узнавши, до книгъ нашихъ канцлерейскихъ коронныхъ записати и выписъ съ книгъ, на то подъ печатью нашою коронною Яцку Бутовичу выдати рассказали. Данъ въ Краковѣ, дня двадцать девятого мѣсяца марта, року отъ Нароженья Сына Божого тисеча пять сотъ семдесятъ четвертого, а панованья нашего року первого.

Изъ Литовской Метрики (Зап. Вольн. кн. 305, л. 169—170 об.). Въ заглавіи акта отмѣчено: Записъ, учиненный черезъ Иону Деспотовича, на онъ часть архимандрита Печерского, на суму пенезей, которую взялъ отъ Яцка Бутовича за имѣнье Брусилонъ, и квитовалъ его съ того передъ врядомъ Кіевскимъ.

170.— 1574, мая 2. Выписъ съ книгъ коронныхъ, данная Юрію Кремеру, содержащая въ себѣ грамоту великаго князя Ивана Васильевича на свободный пропускъ Кремера изъ Россіи съ товарами.

Лѣта Божьего Нароженья тисеча пять сотъ девятьдесятъ шестого, мѣсяца февраля шестнадцатого дня. Постановившия очевидно у книгъ его милости господарскихъ канцелярейскихъ шляхетный Юрій Кремеръ оповѣдалъ, и листъ князя великаго Московского, ему на пропущенье добровольное зъ земли его самого и товаровъ его безъ плаченья мыта даный,

покладалъ, просечы, абы до книгъ его милости господарскихъ канцелярейскихъ былъ уписанъ, который такъ ся въ собѣ слово отъ слова маеть. Бога въ Троицы славимого милостию, великаго господара цара и великаго князя Ивана Васильевича, всея Руси, Владимира мерского, Московского, Новгородского, цара Казаньского, цара Астраханьского, государя Псковского, и великаго князя Смоленского, Тверского, Югорского, Пермского, Вятского, Болгарского, и иныхъ, господара и великаго князя Новагорода, Низовское земли, Черниговского, Резаньского, Полоцкого, Ростовского, Ярославского, Бѣлоозерского, Удорского, Кондинского и всея Сибирское земли и Сиверныя страны повелителя, и осподара отчизного земли Лифлянтское и иныхъ. Отъ его царского величества бояромъ нашимъ, и воеводамъ, и намѣстникомъ, и головамъ и всимъ приказнымъ людемъ. Приѣждчалъ къ намъ дрозжайшого брата нашего Максимилиановъ цесаревъ чоловѣкъ Юри Кремеръ зъ грамотою, и билъ намъ чоломъ, штобъ его пожаловати позволить въ нашемъ государствѣ по городомъ торговать купецкимъ обичаемъ; и мы брата нашего Максимилиановому цесаровому купецкому чоловѣку Юрию Кремеру позволилисмо въ нашемъ государствѣ, въ нашой отчизнѣ въ великомъ Новгородѣ, и въ Ругодивѣ, и въ Юрьевѣ, по сей пинѣшней дорогѣ торговати, купити и продати, какъ и инымъ купецкимъ людемъ, и пошлины наши зъ его товару, ижъ што онъ купитъ, приказники наши люди на немъ имали пораднымъ обичаемъ, и дорога ему изъ нашего государства къ цесару чиста безъ всякаго задержанья. Писанъ въ осподарства нашего дворѣ града Москвы, лѣта 7082, мая 2 дня. У того листу печать князя великаго Московского притисченая. Которого того листу, за прозбою его, до книгъ его милости господарскихъ канцелярейскихъ уписаного, и сесь выписъ подъ печатью его королевской милости помененому Юрию Кремеру

есть выланъ. Писанъ у Краковѣ. — «Матей Война, писарь.»

Изъ Литовской Метрики (Судн. дѣль кн. LXX, л. 186), хранящейся въ Правительствующемъ

Сенатъ, въ С. Петербургѣ. Въ заглавіи грамоты № 170. отмѣчено: Вписанье листу Кремеру отъ князя Московского даного.